

Broj: 01-11-11-06174-2/2025
Sarajevo, 31.10.2025. godine

Na osnovu čl. 32. i 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), člana 69. stav (1) Pravilnika o javnim nabavkama u Federalnoj upravi za inspekcijske poslove, te člana 5. stav (7) Pravilnika o uslovima i načinu korištenja e-aukcije („Službeni glasnik BiH“, broj 80/23), nakon razmatranja Preporuke Komisije za javne nabavke 01-11-11-06174-1/2025 od 31.10.2025. godine, Direktorica Federalne uprave za inspekcijske poslove u ime ugovornog organa, donosi,

O D L U K U
o izboru najpovoljnijeg ponuđača i dodjeli okvirnog sporazuma
o nabavci usluga – sistematski ljekarski pregled
uposlenika Federalne uprave za inspekcijske poslove

Član 1.

Prihvata se preporuka komisije za javne nabavke uprave broj 01-11-11-06174-1/2025 od 31.10.2025. godine, te se okvirni sporazum za nabavku usluga – sistematski ljekarski pregled uposlenika Federalne uprave za inspekcijske poslove po provredenom otvorenom postupku uz primjenu e-aukcije dodjeljuje ponuđaču PZU „Eurofarm – Centar poliklinika“ Sarajevo, čija ponuda broj K17-628/25 od 24.10.2025. godine, umanjena u postupku e-aukcije za procenat od 31,78% je ocijenjena najpovoljnijom.

Član 2.

Okvirni sporazum sa dobavljačem PZU „Eurofarm – Centar poliklinika“ Sarajevo, zaključit će se pod slijedećim uslovima:

- ukupna cijena, odnosno maksimalni iznos okvirnog sporazuma je 31.374,00 KM;
- usluge će se vršiti sukcesivno u skladu sa stvarnim potrebama Ugovornog organa, a što će biti definisano pojedinačnim ugovorima koji će biti zaključeni u skladu sa odredbama okvirnog sporazuma;
- rok za pružanje svih usluga koje će biti definirane pojedinačnim ugovorima je najkasnije do 31.12.2025. godine do kada je dobavljač obavezan ispostaviti fakturu za izvršene usluge;
- mjesto izvršenja usluga je Sarajevo;
- rok i način plaćanja: 30 dana od dana prijema fakture za stvarno izvršene usluge na protokol Ugovornog organa.

Član 3.

Dobavljač PZU „Eurofarm – Centar poliklinika“ Sarajevo je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- u smislu odredbe člana 45. stav (1) tačka a) Zakona o javnim nabavkama BiH - uvjerenja nadležnih sudova (Suda Bosne i Hercegovine i suda prema sjedištu dobavljača) da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini. Dakle, dobavljač je obavezan da dostavi tražena uvjerenja (potvrde) kumulativno, obzirom da na nivou BiH nije definiran jedinstveni registar u koji bi se upisivale pravomoćne presude za osuđene za krivična djela organizovanog kriminala, korupcije, prevare i pranja novca;
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka;

- uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje;
- uvjerenja nadležnih organa da uredno izmiruje obaveze po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspekcijske poslove, te istovremeno biti upućena ponuđačima koji su učestvovali u postupku javne nabavke.

O b r a z l o ž e n j e

Odlukom direktorice Uprave broj 01-11-11-06174/2025 od 6.10.2025. godine pokrenut je otvoreni postupak uz primjenu e-aukcije za nabavku usluga sistematski ljekarski pregled uposlenika Federalne uprave za inspekcijske poslove.

Nabavka predmetnih usluga je predviđena Planom nabavki Uprave za 2025. godinu redni broj 12. u dijelu - usluge, JRJN 85140000-2, naziv- razne zdravstvene usluge. Procijenjena vrijednost nabavke je 46.000,00 KM bez PDV-a. U ovom postupku javne nabavke je predviđeno zaključivanje okvirnog sporazuma sa jednim dobavljačem.

Dana 3.10.2025. godine izvršeno je objavljivanje obavještenja o nabavci na Portalu javnih nabavki, a 10.10.2025. godine u Službenom glasniku BiH broj 59/25, broj obavještenja 1292-7-2-64-3-30/25.

Dana 27.10.2025. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponudu dostavili slijedeći ponuđači, sa pročitanim vrijednostima ponuda:

Broj koverta sa ponudom	Naziv/ime ponuđača	Koverta ispravno zat. i potp. ili opečaćena	Ukupna cijena ponude sa uračunatim popustom bez PDV-a
1.	JU Zavod za medicinu rada Kantona Sarajevo	Da	45.988,00 KM
2.	ZU Alea dr. Kandić	Da	41.195,00 KM
3.	PZU Eurofarm – Centar poliklinika Sarajevo	Da	45.990,00 KM

Javnom otvaranju ponuda nije prisustvovao niko od predstavnika ponuđača koji su dostavili ponudu, kao ni druga zainteresovana lica. Zapisnik sa otvaranja ponuda za je odmah nakon što je izvršeno otvaranje ponuda ponuđačima dostavljen mail-om i istovremeno upućen putem pošte.

Komisija je izvršila provjeru kompletnosti i ispravnosti ponude, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera obrazaca i drugih dokumenata. U tom smislu, Komisija nije utvrdila nedostatke koji bi doveli do odbacivanja ponude bilo kojeg od ponuđača.

Komisija je izvršila provjeru računске ispravnosti dostavljenih ponuda, te tom prilikom nije konstatovala računске greške u ponudama.

E-aukcija je zakazana za dan 30.10.2025. godine sa početkom u 10,00 sati. Prema izvještaju AJN e-aukcija je trajala do 11,24 sati. Komisija je izvršila uvid u Izvještaj o toku i završetku e-aukcije iz kojeg je utvrdila da je postupak e-aukcije uspješno proveden, te je u izvještaju utvrđena konačna rang lista ponuđača koji su učestvovali u postupku e-aukcije, kako slijedi:

Naziv /ime ponuđača	Cijena sa otvaranja	Evaluirana cijena (KM)	Umanjenje cijene u %	Suštinski odgovarajuća ponuda (DA/NE)	Rang
PZU Eurofarm – Centar poliklinika Sarajevo	45.990,00 KM	31.374,00 KM	31,78%	DA	1
ZU Alea dr. Kandić	41.195,00 KM	34.830,00 KM	15,45%	DA	2
JU Zavod za medicinu rada Kantona Sarajevo	45.988,00 KM	35.870,64 KM	22%	DA	3

Imajući u vidu sve naprijed navedeno, Komisija je konstatovala da je u skladu sa kriterijem „najniža cijena“ najpovoljniju ponudu dostavio ponuđač PZU „Eurofarm – Centar poliklinika“ Sarajevo, te je direktorici Uprave dostavila preporuku broj 01-11-11-06174-1/2025 od 31.10.2025. godine, da u ime ugovornog organa donese odluku kojom će okvirni sporazum o nabavci usluga-sistematski ljekarski pregled uposlenika Federalne uprave za inspeksijske poslove dodijeliti navedenom ponuđaču.

Obzirom da izabrani dobavljač u svojoj ponudi nije dostavio potvrde, odnosno uvjerenja nadležnih organa da se na njega ne odnose situacije propisane članom 45. Zakona o javnim nabavkama Bosne i Hercegovine, odlučeno je kao u članu 3. dispozitiva. U skladu sa članom 70. stav (6) odlučeno je kao u članu 4. dispozitiva.

Nakon razmatranja dostavljene preporuke direktorica Federalne uprave za inspeksijske poslove nije našla razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučila kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTORICA
Ivana Prvulović

Dostaviti:

1. ZU „ALEA - Dr. Kandić“, Avdage Šahinagića broj 3, 71000 Sarajevo;
2. JU Zavod za medicinu rada Kantona Sarajevo, Bulevar Meše Selimovića broj 2, 71000 Sarajevo;
3. PZU „Eurofarm – Centar poliklinika“ Sarajevo, Butmirska cesta 10, 71210 Ilidža-Sarajevo;
4. Sektor za materijalno-finansijske poslove;
5. Sektor za tehničku podršku i plansko-analičke poslove;
6. Komsija za javne nabavke (a/a).

